

**Багц-2. ХҮ-020580 тоот “Хашаат Овоот Даваат” нэртэй талбайд 2024 онд хийгдэх геологи хайгуулын ажлын даалгавар**

<b>Судалгааны үе шат</b>	“Монголросцветмет” ТӨҮГ-ын Төв аймгийн Заамар сумын нутагт орших XV-020580 тоот “Хашаат Овоот Даваат” нэртэй хайгуулын талбайн Хашаатын хөндийд геологи хайгуулын ажил гүйцэтгэх
<b>Судалгаа явуулах хугацаа:</b>	Эхлэх хугацаа: 2024 оны 3-р улиралд Дуусах хугацаа: Гэрээний хүчинтэй хугацаанд
<b>Судалгааны талбайн нэр:</b>	Төв аймгийн Заамар сумын нутагт орших XV-020580 тоот тусгай зөвшөөрөлтэй Хашаат Овоот Даваат нэртэй хайгуулын талбайн Хашаатын хөндий.
<b>Судалгааны талбайн солбицол:</b>	Төв аймгийн Заамар сумын Өгөөмөр тосгоны төвөөс зүүн урд зүгт 30 км
<b>Хөрөнгө оруулалтын эх үүсвэр:</b>	“Монголросцветмет” ТӨҮГ, өөрийн хөрөнгөөр
<b>Захиалагч байгууллага:</b>	“Монголросцветмет” ТӨҮГ

<b>1. Ажлын даалгавар өгөх үндэслэл</b>	“Монголросцветмет” ТӨҮГ-ын Бизнес төлөвлөгөө, 2024 оны худалдан авалтын төлөвлөгөө, “Монголросцветмет” ТӨҮГ-ын Геологи хайгуулын төлөвлөгөө
<b>2. Ажлын зорилго, гарах үр дүн</b>	-Тус талбайн хүрээнд өмнөх онуудад хийгдсэн геологи хайгуулын ажлын үеийн мэдээлэл цуглуулах, цуглуулсан мэдээлэлийг боловсруулан судалж, цаашид тухайн талбайд ямар шатны хайгуулын ажлыг хэрхэн хийх тухай дүгнэлт гаргах. -Геологи хайгуулын ажлын хэмжээг тооцоолох, хайгуулын торын нягтралыг оновчлох, хайгуулын өрөмдлөг хийх. - Өрөмдлөгийн үр дүнгээр алтны хуримтлал үүссэн талбайг ялгах, хурдас хуримтлалын зузаан, агуулгыг тодорхойлох. - Эдгээрт үндэслэн урьдчилсан эдийн засгийн үр ашгийн тооцоо хийж дүгнэлт гаргах, үр дүнгийн тайлан боловсруулж ЭБМЗ-ийн хурлаар хэлэлцүүлэн дүгнэлт, тушаал гаргуулах,
<b>3. Судалгааны ажлын хөтөлбөр:</b>	Геологи хайгуулын ажлын хүрээнд зайлшгүй хийж гүйцэтгэх ажлууд /гэхдээ үүгээр хязгаарлагдахгүй/:

	<ul style="list-style-type: none"> <li>- Өмнөх судалгааны ажлуудыг судлах, өрөмдлөг хийх шугам, цооногийн байршлыг сонгох</li> <li>- Геологи хайгуулын болон тандан судалгааны өрөмдлөг,</li> <li>- Цооногийн бичиглэл, дээжлэлтийн ажлууд</li> <li>- Суурин боловсруулалт</li> <li>- Үр дүнд үндэслэн үр дүнгийн тайлан боловсруулж ЭБМЗ-ийн хурлаар хэлэлцүүлэн дүгнэлт, тушаал гаргуулах,</li> </ul>
<p><b>4. Судалгааны ажлын арга зүй, аргачлал, дэс дараалал:</b></p>	<p><b><u>Хээрийн бэлтгэл ажил:</u></b></p> <ul style="list-style-type: none"> <li>- Тухайн талбайн хэмжээнд өмнө хийгдсэн геологийн материалуудтай нэг бүрчлэн танилцах, цаашид хийгдэх хайгуулын ажлын арга зүй, аргачлалыг нарийвчлан боловсруулах.</li> <li>- Өрөмдлөг хийх шугам, цооногуудыг төлөвлөн <b>тухайн жил бүрийнхээ хайгуулын ажлын төлөвлөгөөг ТӨҮГ-т танилцуулж АМГТГ болон хяналтын байгууллагаар батлуулах,</b></li> <li>- Байгаль орчныг хамгаалах төлөвлөгөөг тухайн жил бүртээ <b>Төв аймгийн Заамар сумын Засаг дарга, БОХУБайцаагчаар</b> батлуулах, <b>байгаль орчны нөхөн сэргээлтийн барьцаа хөрөнгийг</b> төлөвлөгөөнд тусгагдсаны дагуу <b>байршуулах,</b> төлөвлөгөөг <b>Төв аймгийн БОАЖГ-т</b> танилцуулах.</li> <li>- Хайгуулын талбайд геологи хайгуулын ажилд шаардагдах тоног төхөөрөмжийг тээвэрлэн аваачих, ажилчдын кемп байгуулан ажилд бэлэн болгох</li> <li>- Дээрх ажлуудыг гүйцэтгэн төлөвлөлтийг “Монголросцветмет” ТӨҮГ-ын холбогдох албан тушаалтанд танилцуулан баталгаажуулах, хамтарсан хурлын тэмдэглэл үйлдэж актаар баталгаажуулах.</li> </ul> <p><b><u>Хээрийн судалгааны үе:</u></b></p> <ul style="list-style-type: none"> <li>- “Монголросцветмет” ТӨҮГ-ын харъяа Шижир алт АҮ-ийн ХАБЭА-н журам, заавартай танилцаж, ажиллах зөвшөөрөл авах.</li> <li>- Анхан шатны мэдээлэл, баримтыг цуглуулан, агаар сансрын зурагт тайлан боловсруулалтыг хийж, геологийн шалгуур үзүүлэлтүүд, шинж тэмдгүүдийг илрүүлэх.</li> </ul>

	<ul style="list-style-type: none"> <li>- Судалгааны талбайн геологийн тогтоц, гидрогеологийн нөхцөлийг иж бүрэн үнэлж, хайгуулын арга, аргачлалын дагуу цооног өрөмдлөгийн ажил явуулах,</li> <li>- Хайгуулын торын нягтрал нь 200х20м буюу ордын нөөцийг <b>бодитой /В/, боломжтой /С/</b> зэргээр тооцох хэмжээний шаардлага хангасан байна.</li> <li>- Хайгуулын талбайн <b>Хашаат</b> нэртэй хөндийн хэмжээнд тус бүр ул чулуулаг илрэх хүртэл гүнтэй цооног, нийт <b>6000</b> т.м өрөмдлөгийн ажлыг технологийн дагуу өрөмдөх,</li> <li>- Тухайн Хашаат хөндийд өрөмдөх шаардлагагүй т.м илүү гарвал бусад хөндийд /Ж нь: Овоот/ шилжүүлэн өрөмдөх</li> <li>- Цооногийн дээжлэлтийг зохих журмын дагуу явуулах, хяналтын дээжлэлт хийх, цооногийн холболт хэмжилтийг ажил гүйцэтгэсэн хэсгүүдийг бүрэн хамруулан энэ чиглэлийн эрх бүхий байгууллагаар <b>200 га</b>-д гүйцэтгүүлэх,</li> <li>- Геологи хайгуулын ажил, өрөмдлөг хийгдсэн талбайн нөхөн сэргээлтийг хийж, сумын байгаль орчны асуудал хариуцсан мэргэжилтэнд хүлээлгэн өгөх, маягт №7-оор баталгаажуулах.</li> <li>- Хээрийн ажлын үеийн өрөмдлөгийн журнал болон дээжлэлт, туршилтын ажлын анхдагч материалуудыг зохих журмын дагуу хүлээлгэн өгөх гэх мэт.</li> </ul> <p><b>Суурин боловсруулалтын үе:</b></p> <ul style="list-style-type: none"> <li>- Геологи хайгуулын ажлын үр дүнгийн тайлан боловсруулах, хэрэв ашигт малтмалын нөөц тогтоогдсон бол ЭБМЗ-ийн хурлаар хэлэлцүүлэн дүгнэлт, тушаал гаргуулах,</li> </ul>
<p><b>5. Мөрдөх хууль тогтоомж, стандарт, журам, эрх зүйн баримт бичгүүд:</b></p>	<ul style="list-style-type: none"> <li>-Ашигт малтмалын тухай хууль;</li> <li>-Байгаль орчныг хамгаалах тухай хууль;</li> <li>-Уул уурхайн сайдын 2015 оны 203 дугаар тушаалаар батлагдсан “Ангилал, заавар батлах тухай”,</li> <li>-Бусад холбогдох журам, норм, стандартууд</li> </ul>
<p><b>6. Тавигдах шаардлага, тусгай нөхцөл</b></p>	<p>-Тайлан, зөвлөмжийн бичиг баримт /DWG, PDF file болон Word, Excel зэрэг бүхий л электрон хэлбэрээр/ нь Захиалагчийн өмч болох ба түүний зөвшөөрөлгүйгээр гуравдагч этгээдэд шилжүүлэхийг хориглоно.</p>

	<p>-Геологи хайгуулын ажил хийх аж ахуйн нэгж, байгууллага нь шаардлагатай мэргэжилтэй боловсон хүчин, мэргэжлийн багаж тоног төхөөрөмж, өрмийн машинаар хангагдсан байна.</p> <p>-Хайгуул судалгааны ажлын тайлан, дүгнэлт, зөвлөмжүүдийн бичиг баримтын бүрдүүлэлт бичвэр нь олон улс болон Монгол улсад мөрдөгдөж буй стандарт, дүрэм журмын шаардлагад нийцүүлэн гүйцэтгэнэ.</p> <p>-Гүйцэтгэгч нь зохих шатны хяналтын байгуулагуудад танилцуулах, зөвшилцөх шаардлагатай бичиг баримтуудыг бүрдүүлэх ба үүнд гарах зардлыг дангаар хариуцна.</p> <p>- Гүйцэтгэгч нь хайгуулын ажлын жилийн тайлангуудыг дараа жилийн 02 дугаар сарын 15-ны дотор илгээн АМГТГ-т баталгаажуулах ажлыг гүйцэтгэнэ.</p> <p>-Тайланд тусгагдах техникийн болон бусад аливаа шийдлүүдийг судалгааны ажлын явцад Захиалагчтай зөвшилцөх ба хамтарсан уулзалтын тэмдэглэлээр баталгаажуулна.</p> <p>- Ордын нөөцийн тооцоотой тайланд томилогдсон шинжээчийн гэрээг “Монголросцветмет ТӨҮГ байгуулах ба тайлан хэлэлцүүлэхтэй холбоотой бусад бүхий л зардлыг Гүйцэтгэгч хариуцна.</p>
<p><b>7. Хавсралт мэдээлэл</b></p>	<p>- Шаардлагатай мэдээллийг гүйцэтгэгчийн хүсэлтээр Захиалагчтай зөвшилцөн авч болно.</p>